

度奏言、雖未盡若斯之煩辭、以便于革卦、不配今年之勤事、何勞師記於故革、爲銘帝祚於新鼎者也、右二箇條宣旨、辨申如件、

永德元年四月廿三日、從四位上行少納言兼侍從文章博士菅原朝臣淳嗣、

正四位下行大學頭兼少納言侍從文章博士菅原朝臣秀長

〔元長卿記〕明應十年○文龜元年二月二十一日、今日四六二六之術數得一義可悅々々、蔀首了蔀ニ付テ可覺悟事也、陽爻陰爻不可巡廻於蔀之所有子細、年數之様、愚案之趣、詣前左府亭可校合者也、廿二日、先是時元宿禰在此亭習此術數歟、

〔公卿補任光格〕寛政十二年十一月廿七日、明年辛酉革命、諸道勸文外記勸例等奏聞、上卿左大臣○九條治孝於里亭被行之、奉行賴壽朝臣、

〔紫芝園漫筆八〕余生延寶八年庚申、明年辛酉改元天和、其四年甲子改元貞享、貞享之後五改元、曰元祿、寶永、正德、享保、元文也、元文之六年辛酉又改元寬保、其四年甲子又改元延享、聞之曰、日本博士家謂辛酉年爲革命、甲子年爲革令、皆必改元、自前世如是、

〔續日本紀八元正〕養老五年二月甲午、詔曰、世諺云、歲在申年、常有事故、此如所言、去庚申年、咎徵屢見、水旱並臻、平民流沒、秋稼不登、國家騷然、萬姓苦勞、遂則朝庭儀表、藤原大臣奄焉薨逝、朕心哀慟、今亦去年災異之餘、延及今歲、亦猶風雲氣色有違于常、朕心恐懼、日夜不休、然聞之舊典、王者政令不便、事天地譴責、以示咎徵、或有不善、則致之異、于今臣等位高任大、豈得不罄忠情乎、故有政令不便、事悉陳無諱、直言盡意、无有所隱、朕將親覽、於是公卿等奉勅詔、退各仰屬司令言意見、

〔革曆勸文四〕革曆類○中

治安元年例

寛仁四年前年十月十三日庚寅、令大法師仁統勸申、明年辛酉革命當否、十一月十一日戊午被立宇